

妙法蓮華經。如來神力品。
第二十一
爾時千世界。微塵等。菩
薩摩訶薩。從地涌出者。
皆於仏前。一心合掌。瞻
仰尊顏。而白仏言。世尊。
我等於仏滅後。世尊分身。
所在国土。滅度之處。當
広説此經。所以者何。我
等亦自。欲得是真淨大法。
受持。讀誦。解説。書寫。

而供養之。爾時世尊。於
文殊師利等。無量百千萬
億。旧住娑婆世界。菩薩
摩訶薩。及諸比丘。比丘
尼。優婆塞。優婆夷。天。
龍。夜叉。乾闥婆。阿修
羅。迦樓羅。緊那羅。摩
睺羅伽。人非人等。一切
衆前。現大神力。出舌長
舌。上至梵世。一切毛孔。
放於無量。無數色光。皆

悉徧照。十方世界。衆寶
樹下。師子座上諸仙。亦
復如是。出舌長。放無
量光。釈迦牟尼仙。及寶
樹下諸仙。現神力時。滿
百千歲。然後還撮舌相。
一時馨欬。俱共彈指。是
二音聲。徧至十方。諸仙
世界。地皆六種震動。其
中衆生。天。龍。夜叉。
乾闥婆。阿修羅。迦樓羅。

緊那羅。摩睺羅伽。人非
人等。以仏神力故。皆見
此娑婆世界。無量無辺。
百千萬億。衆宝樹下。師
子座上諸仏。及見釈迦牟
尼仏。共多宝如来。在宝
塔中。坐師子座。又見無
量無辺。百千萬億。菩薩
摩訶薩。及諸四衆。恭敬
圍繞。釈迦牟尼仏。既見
是已。皆大歡喜。得未曾

有。即時諸天。於虛空中。
高声唱言。過此無量無邊。
百千万億。阿僧祇世界。
有国名娑婆。是中。有仏。
名釈迦牟尼。今為諸菩薩
摩訶薩。說大乘經。名妙
法蓮華。教菩薩法。仏所
護念。汝等當深心隨喜。
亦當禮拜供養。釈迦牟尼
仏。彼諸衆生。聞虛空中
声已。合掌向娑婆世界。

作如是言。南無釈迦牟尼
仙。南無釈迦牟尼仙。以
種種華香。瓔珞旛蓋。及
諸嚴身之具。珍寶妙物。
皆共遙散。娑婆世界。所
散諸物。從十方來。譬如
雲集。變成宝帳徧覆此間。
諸仙之上。于時十方世界。
通達無碍。如一仙土。
爾時仙告。上行等菩薩大
衆。諸仙神力。如是無量

無邊。不可思議。若我以
是神力。於無量無邊。百
千萬億。阿僧祇劫。為囑
累故。說此經功德。猶不
能盡。以要言之。如來一
切所有之法。如來一切自
在神力。如來一切秘要之
藏。如來一切甚深之事。
皆於此經。宣示顯說。是
故汝等。於如來滅後。應
當一心。受持誦誦。解說。

書寫。如說修行。所在國
土。若有受持讀誦。解說
書寫。如說修行。若經卷
所住之處。若於園中。若
於林中。若於樹下。若於
僧坊。若白衣舍。若在殿
堂。若山谷曠野。是中皆
忝。起塔供養。所以者何。
當知是處。即是道場。諸
仙於此。得阿耨多羅三藐
三菩提。諸仙於此。轉於

法輪。諸仏於此。而般涅槃。爾時世尊。欲重宣此義。而說偈言

諸仏救世者 住於大神通
為悅衆生故 現無量神力
舌相至梵天 身放無數光
為求仏道者 現此希有事

諸仏馨歎声 及彈指之声

周聞十方国 地皆六種動
以仏滅度後 能持是經故
諸仏皆歡喜 現無量神力

囑累是經故 讚美受持者
於無量劫中 猶故不能盡
是人功德 無邊無有窮
如十方虛空 不可得邊際
能持是經者 則為已見我
亦見多寶仙 及諸分身者
又見我今日 教化諸菩薩
能持是經者 令我及分身
滅度多寶仙 一切皆歡喜
十方現在仙 竝過去未來
亦見亦供養 亦令得歡喜

諸仏坐道場 所得秘要法
能持是經者 不久亦當得
能持是經者 於諸法之義
名字及言辭 樂說無窮盡
如風於空中 一切無障礙
於如來滅後 知仏所說經
因緣及次第 隨義如實說
如日月光明 能除諸幽冥
斯人行世間 能滅衆生闇
教無量菩薩 畢竟住一乘
是故有智者 聞此功德利

於我滅度後
是人於仙道

應受持斯經
決定無有疑